



**Cyfarfod Cymdeithas CCYSAGau Cymru,
Yn rhithwir drwy Microsoft Teams
29 Mehefin 2022
10.30a.m. – 12.15p.m.**

Yn bresennol

<p>Ynys Môn Dylan Rees (DR) Rheinallt Thomas (RT)</p> <p>Blaenau Gwent Kathy Riddick (KR) Chris Abbas (CA) C. Knowlson (CK)</p> <p>Pen-y-bont ar Ogwr Alice Parry (AP) Edward Evans (EE)</p> <p>Caerffili Marina Chacon - Dawson (MC)</p> <p>Caerdydd T. Saunders (TS)</p> <p>Sir Gaerfyrddin</p> <p>Ceredigion Mary Davies (MD) Anne Ursuka (AU)</p> <p>Conwy Jennie Downes (JD) Phil Lord (PL) Roger Boon (RB)</p>	<p>Sir Ddinbych Phil Lord (PL) Collete Owen (CO)</p> <p>Sir y Fflint Vicky Barlow (VB) Jane Borthwick Claire Homard (CH)</p> <p>Gwynedd</p> <p>Merthyr Tudful</p> <p>Sir Fynwy Louise Brown (LB)</p> <p>Castell-nedd Port Talbot Fiona Thomas (FT)</p> <p>Casnewydd Neeta Baicher (NB) Hayley Jones (HJ) Huw Stephens (HS)</p> <p>Sir Benfro</p>	<p>Powys John Mitson (JM)</p> <p>Rhondda Cynon Taf Donna Graves (DG) Matthew Maidment (MM)</p> <p>Abertawe Jennifer Harding-Richards (JHR)</p> <p>Torfaen</p> <p>Bro Morgannwg</p> <p>Wrecsam Tania ap Siôn (TS)</p> <p>PYCAG Paula Webber (PW)</p> <p>EFTRE Phil Lord (PL)</p>	<p>Arsyllwyr: Sue Cave (SC)</p> <p>MAGC Paul Morgan (PM)</p> <p>CBAC</p> <p>ESTYN</p> <p>Llywodraeth Cymru</p> <p>REC Kathy Riddick (KR)</p> <p>Eglwys yng Nghymru Jennie Downes (JD)</p> <p>Gwasanaeth Addysg Gatholig</p> <p>Cymwysterau Cymru</p> <p>Rhwydwaith Rhyng-ffydd</p> <p>ADEW Prifysgol Cymru Rachel Bendall (RB)</p> <p>Cyflwynwyr Partneriaeth Julian Nicholds (JN)</p> <p>Cofnodion (o recrodiad) Jo Nicholls (JN)</p>
--	--	---	---

Cofnodion y cyfarfod

1. Cyflwyniad a chroeso

Croesawodd RS bawb (yn ddwyieithog) i gyfarfod yr haf.

Croesawodd Claire Homard, Prif Swyddog Addysg ac Ieuenctid yn Sir y Fflint bawb (yn ddwyieithog), fel y CYSAG oedd yn lletya.

Dyweddodd CH ei bod yn amser cyffrous ar gyfer gwaith CCYSAGauC dros addysg grefyddol yng Nghymru, gyda symud i weithredu'r cwricwlwm newydd o'r mis Medi yma. Dywedodd CH fod pob CYSAG wedi bod yn brysur gyda'r Cynadleddau Maes Llafur Cytunedig. Mae'r cwricwlwm newydd yn canolbwyntio ar gynnis darpariaeth i ddysgwyr ddatblygu a gwerthfawrogi perthyn i'w hardal leol, i Gymru a'r byd ehangach. Hefyd, i gael profiad o fyd natur, gwerthfawrogi'r amgylchedd a gweithio tuag at ddyfodol cynaliadwy i ni i gyd.

Yn ôl CH, mae gan ein hysgolion a'n dysgwyr yn ein cymunedau Cymreig lleol hanes cyfoethog iawn yn ogystal â'u profiadau byw i dynnu arnynt.

Disgrifiodd CH rai o uchafbwyntiau Sir y Fflint yn cynnwys mynediad at amgylcheddau natur bendigedig gyda'r parciau gwledig a'r arfordir hardd; hanes crefyddol lliwgar sy'n cynnwys Ffynnon Gwenffrewi yn Nhreffynnon; Abaty Dinas Basing ym Maes-Glas, Treffynnon a'r Fynachlog ym Mhantasaph a nifer o gestyll. Caiff y celfyddydau a diwylliant eu dathlu yn Theatr Clwyd. Mae traddodiad cryf o gefnogi'r iaith Gymraeg ac mae Sir y Fflint yn cyfrannu at yr Eisteddfodau.

Gall CGM o fewn y Cwricwlwm i Gymru wneud cyfraniad pendant at wireddu'r pedwar diben. Ceir cyfleoedd drwy CGM i ddysgwyr brofi cwricwlwm sy'n ddiddorol, ac mae'n amserol myfyrion ar y pedwar diben wrth i ni ddechrau'r cyfarfod heddiw.

Rydym eisiau i'n dysgwyr fod yn uchelgeisiol a galluog; yn gyfranwyr mentrus a chreadigol; yn ddinasyddion egwyddorol a gwybodus yng Nghymru a'r byd ac yn unigolion iach a hyderus.

2. Myfyrion tawel

Dyweddodd RS fod Cymru ar hyn o bryd yn wynebu'r newid mwyaf mewn addysg ers cenhedlaeth. Mae ofn y dieithr ymhlith ymarferwyr, rhieni, a disgyblion. Gall CCYSAGauC helpu ysgolion, rhieni, a disgyblion gyda'r her hon o ffordd newydd o ddysgu.

Arweiniodd RS fyfyrddod tawel ar y cyfleoedd a'r heriau sydd o'u blaen i rieni, athrawon, a disgyblion.

3. Ymddiheuriadau

Ymddiheuriadau gan Libby Jones, John Meredith, a Susanne Gooding o'r Pwyllgor Gwaith.

Ymddiheuriadau gan Catherine McCormack, Cadeirydd CYSAG Sir y Fflint ac o GYSAG Gwynedd - Cynghorydd Beca Brown, Cynghorydd Paul Rowlinson a Gwawr Williams.

Sylwer y bydd y Cynghorydd Wayne Carpenter yn ymuno â'r Cyfarfod Blyneddol yn unig.

Sylwer y bydd Fiona Thomas, CYSAG Castell Nedd yn ymuno â chyfarfod CCYAGau yn unig.

4. Cofnodion y cyfarfod diwethaf a gynhaliwyd ar Microsoft Teams ar 2 Ebrill 2022

Gwall sillafu yn Saesneg, tud 10 'pacifism' ddylai fod.

Cytunwyd fod y cofnodion yn gofnod cywir o'r cyfarfod a gynhaliwyd ar 2 Ebrill 2022. Cynigiodd RT dderbyn y cofnodion.

5. Materion yn codi o gofnodion cyfarfod diwethaf CCYSAGauC

Bydd unrhyw faterion sy'n codi o'r cyfarfod yn cael eu trafod neu eu hystyried o fewn y cyfarfod heddiw.

- Dywedodd RS fod CCYSAGauC wedi cael ymholiadau yn gysylltiedig â Chynadleddau'r Maes Llafur Cytunedig a chydabuwyd fod oedi mewn rhai Cynadleddau oherwydd y newid cynghorau ar ôl yr etholiadau lleol. Os oes angen cymorth, cysyllter â RS neu AP.
- O safbwynt y weithred ar Dudalen 8 i LB anfon e-bost am y ddeddfwriaeth, diolchodd RS i LB am yr e-bost a chadarnhaodd fod e-bost LB wedi'i anfon ymlaen i Lywodraeth Cymru ac y bydd yn cael sylw yn y cyfarfod heddiw.
- Mynegodd RT bryder nad oes cyfleuster i gael cyfieithu o'r Gymraeg yn y cyfarfodydd TEAMS. Nid yw hyn yn cyd-fynd â'r cyfansoddiad. Cadarnhaodd RS fod hyn wedi'i drafod ac y bydd ar yr agenda yng nghyfarfod nesaf y Pwyllgor Gwaith, ddechrau mis Hydref. Bydd CCYSAGauC yn dychwelyd i gyfarfodydd wyneb yn wyneb ar yr agenda hefyd.

6. Diweddariad ar ddeunyddiau Datblygu Proffesiynol

Rhoddodd TaS y diweddariad canlynol am y deunyddiau Datblygu Proffesiynol.

Atgoffwyd y grŵp gan TaS am y cyflwyniad a roddwyd gan TaS a LJ, yng nghyfarfod diwethaf CCYSAGauC a oedd yn manylu ar y gwaith sy'n cael ei wneud ar hyn o bryd gan CCYSAGauC a Llywodraeth Cymru.

Ar 26 Ebrill 2022, arweiniodd CCYSAGauC ddigwyddiad Mewnwelediad Polisi Llywodraeth Cymru lle rhannwyd y rhestrau chwarae dysgu proffesiynol. Roedd 105 yn bresennol yn y digwyddiad ac roedd y sylwadau a gafwyd cyn ac ar ôl y digwyddiad yn gadarnhaol iawn.

Roedd TaS yn argymhell fod aelodau CCYSAGauC yn ymweld â HWB ac yn chwilio am recordiad o'r digwyddiad. Yn arbennig, dylent wrando ar Kevin Palmer, Dirprwy Gyfarwyddwr Addysgeg Arweinyddiaeth a Dysgu Proffesiynol. Rhoddodd Kevin gyflwyniad pwysig i'r digwyddiad a dangosodd ei gefnogaeth i CGM.

Pwysleisiwyd yng nghyfarfod diwethaf CCYSAGauC bwysigrwydd y broses sicrhau ansawdd wrth ddatblygu adnoddau. Mae'r tîm SA presennol yn cynnwys pedwar aelod o Bwyllgor Gwaith CCYSAGauC yn ogystal â chydweithwyr Llywodraeth Cymru. Yn ogystal, mae grŵp cyfeirio allanol sy'n adolygu'r rhestrau chwarae yn eu drafft terfynol a bydd HWB hefyd yn adolygu'r adnoddau sydd angen eu cyfieithu i'r Gymraeg. Roedd TaS yn cydnabod y bydd yn broses hir cyn y gellir cyhoeddi'r rhestrau chwarae ac felly mae'r dyddiad cyhoeddi ychydig yn hwyrach na'r disgwyl.

O ran y dyddiadau cyhoeddi, bydd yr adnoddau'n cael eu cyhoeddi mewn tair set:

- ⇒ Cyhoeddir Grŵp 1 ar ddechrau Medi. Mae Grŵp 1 yn cynnwys y modiwlau 'Beth sy'n Newydd?' – ar gyfer Penaethiaid, Blynyddoedd Cynnar, Cynradd, Uwchradd ac ADY.

- ⇒ Cyhoeddir Grŵp 2 yn fuan ar ôl Grŵp 1 ac mae'n cynnwys 3 modiwl: CGM a rhifedd; cymhwysedd digidol a llythrennedd.
- ⇒ Bydd Grŵp 3 yn dilyn yn nhymor yr hydref - sy'n cynnwys CGM a'r dyniaethau a chynnydd yn y modiwl addysgeg a'r ymagwedd tuag ato i Benaethiaid.

Roedd y tîm prosiect yn fodlon iawn â safon y rhestrau chwarae. Bu'n waith caled i'r tîm ac i'r athrawon sy'n ysgrifennu'r adnoddau. Roedd yr Athrawon yn derbyn pob adborth ac yn barod i barhau â'r broses.

Ar ran CCYSAGAuC, diolchodd RS i'r athrawon sydd wedi gweithio'n ddiflino ar y rhestr chwarae, a hefyd i'r tîm, sy'n gyfrifol am fonitro a chefnogi. Gofynnodd RS i werthfawrogiad a diolch CCYSAGAu gael ei drosglwyddo i'r Athrawon a'r tîm.

7. Materion Llywodraeth Cymru:

Cyfarfodydd

Cynhaliwyd cyfarfod ddydd Iau 23 Mehefin 2022. Roedd RS yn gallu bod yn bresennol, hefyd TaS a Libby Jones ar ran CCYSAGAuC, a chynrychiolwyd PYCAG gan PW.

Cafwyd yr adborth canlynol o'r cyfarfod gan TaS. Y rheiny oedd yn bresennol o Lywodraeth Cymru oedd John Pugley (JP), Pennaeth yr Is-adran Cwricwlwm ac Asesu a Ceri Davies (CD), Rheolwr Cysylltiadau.

Dyma grynodedeb o'r materion agenda a drafodwyd:

- 1) Y broses o fabwysiadu'r Maes Llafur Cytunedig (MLIC) i CGM
Cadarnhawyd fod angen i GYSAGau anfon y Maes Llafur Cytunedig (MLIC) i JP a CD. Cedwir y rhain er gwybodaeth. Os nad yw Awdurdod Lleol wedi mabwysiadu'r MLIC erbyn 1 Medi 2022, bydd y Gweinidog Addysg a Sgiliau yn penderfynu ar y cam nesaf gan nad oes cynsail wedi'i gosod i'r sefyllfa hon. Cydnabyddir y gall fod yn broblem i nifer o GYSAGau gyrraedd y dyddiad cau oherwydd yr oedi cyn i'r CYSAG gael ei gyfansoddi'n gyfreithiol ac felly oedi cyn y broses o fabwysiadu'r MLIC.

Os na all yr ALI gytuno ar y maes llafur erbyn 1 Medi 2022, dylai'r ALI gysylltu â Llywodraeth Cymru. Bydd Llywodraeth Cymru'n cymryd agwedd synnwyr cyffredin ac yn dechrau proses gyda'u tîm cyfreithiol. Mae LIC yn awgrymu y dylai'r Awdurdodau hyn ofyn i ysgolion gyfeirio at y canllawiau CGM ar HWB yn y cyfamser nes y gellir cyhoeddi'r maes llafur cytunedig.

- 2) Canllawiau CGM ar HWB a'r newidiadau i'r crynodeb cyfreithiol ar HWB.

Cyfeiriwyd at hyn yn barod yn Eitem 3 'Materion yn codi o'r cyfarfod diwethaf, sef yr ebost gan LB.

Roedd rhan o'r crynodeb cyfreithiol yn ddryslyd ac angen eglurder. Y nod yw peidio â newid dim ond egluro a sicrhau fod yr adran hon yn haws ei darllen a'i deall.

Cyn y cyfarfod hwn gyda Llywodraeth Cymru, roedd aelodau Pwyllgor Gwaith CCYSAGAuC wedi anfon awgrymiadau am newidiadau i adran crynodeb cyfreithiol CGM at JP.

Cadarnhaodd JP fod y newidiadau hyn wedi'u derbyn a'u bod bellach wedi'u cynnwys mewn drafft diwygiedig sydd ar hyn o bryd yn cael ei adolygu gan y Gweinidog Addysg a Sgiliau. Ni ellir rhannu'r newidiadau nes bod y Gweinidog wedi'u cymeradwyo. Bydd

JP yn anfon copi o'r newidiadau y cytunwyd arnynt i CCYSaGAuC cyn iddynt gael eu cyhoeddi ar HWB. Dylai hwn gyrraedd mewn tua wythnos.

Ail ran eitem agenda 2 oedd eglurhad ar gyfer y Blynyddoedd Cynnar a CGM. Mae nifer o dermau yn cael eu defnyddio i ddiffinio'r Blynyddoedd Cynnar ac mae angen cysondeb. Deallir fod CGM yn fandadol o 3 mlwydd oed ac y dylai fod yn blwraliaethol o'r oedran hwn hefyd. Mae Llywodraeth Cymru am ddod yn ôl atom i roi mwy o eglurhad am y blynyddoedd cynnar er mwyn sicrhau fod negeseuon clir a safonol yn cael eu rhoi.

3) Llythyr safonol i ysgolion a rheini par. CGM.

Mae nifer o GYSAGau wedi gofyn i lythyr safonol gael ei anfon gan Lywodraeth Cymru i ysgolion a rhieni yn eu hysbysu am y newidiadau, yn cynnwys cael gwared ar hawl rhieni i dynnu eu plant yn ôl o CGM.

Cadarnhaodd CD fod cyfarfod yr wythnos hon gyda'r adran gyfathrebu, ac y bydd hyn yn cael ei drafod.

Sylweddolir bod dwy gynulleidfa i'r llythyr hwn – ysgolion a rhieni. Mae angen sicrhau fod y neges gywir yn cyrraedd pob cynulleidfa.

Mae Llywodraeth Cymru yn cyfleu gwybodaeth am y cwricwlwm yn rheolaidd mewn nifer o wahanol ffordd. Awgrymodd LLC nad un llythyr oedd y ffordd ymlaen ac y byddai'n fwy buddiol cael proses gyfathrebu barhaus. Awgrymwyd fod gohebiaeth gychwynnol yn cael ei hanfon cyn diwedd y tymor a fyddai'n cael ei hatgyfnerthu wedyn ym mis Medi.

Holodd Llywodraeth Cymru beth oedd gofynion CCYSAGauC o ran cynnwys y cyfathrebiad.

Cytunwyd mai'r prif feysydd oedd:

- ⇒ Y newid enw.
- ⇒ Natur fandadol CGM.
- ⇒ Natur blwraliaethol CGM.
- ⇒ Yr angen i CGM fod yn wrthrychol a beirniadol.
- ⇒ Cael gwared ar hawl rhieni i dynnu plant yn ôl o CGM.
- ⇒ Fod y llythyr i ysgolion yn cynnwys yr angen i gyd-fynd â Fframwaith y Cwricwlwm i Gymru a chydabod fod angen dull newydd. Ar ben hynny, pwysigrwyd fod ysgolion yn glynu at y maes llafur cytunedig lleol.

Bydd nifer o negeseuon yn cael eu hanfon i ysgolion drwy broses gyfathrebu Llywodraeth Cymru.

Dywedodd TaS, os oes unrhyw beth sy'n ymddangos yn broblem i CCYSAGauC, y dylent ei hysbysu hi a gellir anfon y manylion yn ôl i Lywodraeth Cymru.

4) Adnoddau CGM.

Fel y soniodd RS yn y myfyrdod tawel, mae cryn heriau gyda'r dull newydd.

Mae angen i CCYSAGauC sicrhau darpariaeth o adnoddau priodol i helpu ysgolion sy'n adlewyrchu'r canllawiau CCM a'r Cwricwlwm i Gymru. Mae Llywodraeth Cymru ar fin cyhoeddi pecyn canllaw ar adnoddau.

Pan fydd adnoddau newydd wedi cael eu cyhoeddi, byddant yn cael eu hadolygu gan banel adolygu cyn cael eu derbyn i'w cyhoeddi ar HWB. Mae hyn yn wir am adnoddau i'r dosbarth yn ogystal ag adnoddau Dysgu Proffesiynol. Mae LIC yn sicr yn chwilio am y ffyrdd gorau o roi cefnogaeth ddefnyddiol i ymarferwyr.

5) Cynlluniau ar gyfer Addysg Gychwynol Athrawon (AGA)

Cododd PW y mater fod Dysgu Proffesiynol yn cael ei ddatblygu i CGM mewn ysgolion ac ymhlith ymarferwyr ond beth am y sector AGA.

Eglurodd Llywodraeth Cymru mai cylch gwaith Kevin Palmer yw'r sector AGA. Byddwn yn dychwelyd at y pwnc hwn dros y flwyddyn nesaf. Cytunwyd y bydd y rhestrau chwarae CGM sydd wrthi'n cael eu datblygu yn ddefnyddiol i'r Sector AGA.

6) Cylchlythyr 1094

Cadarnhaodd Llywodraeth Cymru nad oes cynlluniau ar hyn o bryd i adolygu 1094 er y sylweddolir ei fod wedi dyddio. Am nawr, mae'r datganiad canlynol yn wir - 'Nid yw CGM 1094 yn berthnasol mwyach, mae'n cael ei symud i Ganllawiau a Fframwaith y Cwricwlwm i Gymru'. Mae LIC yn gofyn am beidio â chyfeirio ato o safbwynt CGM. Fodd bynnag, mae 1094 yn dal i fod yn berthnasol i addoli ar y cyd.

I gloi, dywedodd TaS fod y cyfarfod wedi bod yn un cadarnhaol a chynhyrchiol. O ganlyniad, cytunwyd i gynnal y cyfarfodydd hyn, rhwng CCYSAGauC, PYCAG, a Llywodraeth Cymru bob tymor. Cynhelir y cyfarfod nesaf ym mis Medi a bydd hyd y cyfarfod yn cynyddu i awr a hanner.

Diolchodd RS i TaS am y diweddariad a dywedodd ei bod yn galonogol gweld fod Llywodraeth Cymru yn gwerthfawrogi rôl CCYSAGauC a PYCAG.

JHR: Ydi Llywodraeth Cymru yn rhannu'r wybodaeth am 1094 gydag Awdurdodau Lleol?

GWEITHREDU: TAS i ofyn i Lywodraeth Cymru a ddylid rhannu'r wybodaeth am 1094

LB: A fydd drafft o'r newidiadau yn y crynodeb deddfwriaethol ar gael i'w gwirio?

RS: Bydd y newidiadau arfaethedig yn y crynodeb deddfwriaethol yn cael eu hanfon i CCYSAGAuC cyn iddo gael ei gyhoeddi.

PW: Cadarnhaodd y bydd y drafft arfaethedig yn cael ei anfon i Bwyllgor Gwaith CCYSAGauC i'w gymeradwyo ac na fydd proses ymgynghori.

PW: Yn falch gyda'r broses Sicrhau Ansawdd i'r adnoddau ar HWB. Mae LIC hefyd yn edrych ar yr adnoddau sydd ar gael ar HWB ar hyn o bryd ac yn gwneud gwiriad ansawdd.

8. Cyflwyniad PYCAG – Consortiwm Partneriaeth

Mae JHR yn Bennaeth Gwyddor Gymdeithasol yn Ysgol Gyfun yr Esgob Gore yn Abertawe. Yn y flwyddyn ddiwethaf, cafodd ei secondio am ddau ddiwrnod yr wythnos i fod yn ymgynghorydd AG / CGM yn Abertawe. O fis Medi 2022, bydd JHR yn rhoi gorau i'w swydd fel athrawes i gymryd swydd ymgynghorydd CGM ac ACRh i Abertawe, Sir Benfro, a Sir Gaerfyrddin.

Cyflwynodd JHR grynodedb o gynnig dysgu proffesiynol CGM Cyngor Abertawe dros y flwyddyn ddiwethaf :

4 Sesiynau Dysgu Proffesiynol gyda'r cynradd a'r uwchradd, gyda tua 80 - 100 yn bresennol. Rhannwyd y recordiadau gyda chydweithwyr ar draws y rhanbarth.

- Mawrth 2022: Canllawiau, datgymalu CGM, y maes llafur cytunedig
- Mai 2022: Cynllunio cwricwlwm ar gyfer rhagoriaeth
- Mehefin 2022: Rhannu ymarfer effeithiol
- Gorffennaf 2022: Sesiwn Agored Holi ac Ateb i CGM – eto i'w gynnal

Yn y blynyddoedd diwethaf, mae cydweithwyr o Gastell Nedd a Phort Talbot wedi ymuno â'r rhwydwaith ymroddedig yn Abertawe. Cynhaliwyd cyfarfodydd fforwm agored, ddwywaith y flwyddyn, gyda rhwng 15 - 20 o gydweithwyr yn bresennol. Bydd y rhain yn parhau dros y flwyddyn academaidd nesaf a gobeithir gallu dychwelyd i sesiynau wyneb yn wyneb.

Mae pob Pennaeth ac Uwch Arweinydd (Cynradd ac Uwchradd) wedi cael y cyfle i gael dysgu proffesiynol am CGM o fewn y Cwricwlwm i Gymru.

Cafodd holl Lywodraethwyr Abertawe gyfle i gymryd rhan mewn sesiwn DP i'w helpu gyda'u rôl, a bydd hon yn rhaglen barhaus dros y flwyddyn academaidd nesaf.

Mae yno aelodau ffydd gweithredol a chynhaliwyd cyfarfodydd tymhorol ag arweinwyr crefyddol/bydolygon o fewn y gymuned. Roedd y rhain yn ddigwyddiadau uchel eu proffil yn yr awdurdod lleol, o dan gadeiryddiaeth y Cyfarwyddwr Addysg a byddant yn parhau dros y flwyddyn academaidd.

Mae gan GYSAG Abertawe gynrychiolwyr o bob un o'r prif grefyddau a nodwyd yng nghyfrifiad 2011 (data Abertawe). Mae Grŵp A yn grŵp rhagweithiol a blaengar, sydd â diddordeb mewn archwilio sut gallant gefnogi ysgolion ac athrawon gyda CGM.

Gyda Llywodraeth Cymru yn cyhoeddi'r cynllun gweithredu gwrth-hiliaeth, cynhaliwyd sesiwn AG gyda chydweithwyr Cynradd ac Uwchradd i helpu i ddatblygu CGM gwrth-hiliol. Roedd y sesiwn yn edrych ar sut i ddat-goloneiddio'r cwricwlwm a sicrhau ei fod yn gydnaws â'r cynllun gweithredu gwrth-hiliol. Cafwyd presenoldeb da ym mis Ionawr gyda dros 100 yno. Mae'r Awdurdod Lleol yn talu am ailadrodd yr hyfforddiant ym mis Gorffennaf ac mae dros 50 o gydweithwyr wedi cofrestru ar hyn o bryd.

Rhwng Ionawr a Mai 2022 treuliyd amser yn paratoi i ddatblygu'r maes llafur cytunedig newydd ac i gynnal Cynadleddau MLIC ar ôl etholiadau llywodraeth leol mis Mai.

Yn ystod yr amser hwnnw cyd-luniwyd y maes llafur cytunedig gyda phob rhanddeiliad:

- ⇒ Gwnaed awdit athrawon a gynhyrchodd ganfyddiadau perthnasol sydd wedi'u bwydo'n ôl i'r broses Maes Llafur Cytunedig.

- ⇒ Gwnaed arolwg llais y disgybl gan ddefnyddio cwestiynau o'r dyfarniad marc ansawdd CGM. Cafwyd canfyddiadau cyfoethog i fwydo i mewn i'r broses MLC.
- ⇒ Cafwyd arweiniad cyfreithiol.
- ⇒ Gwnaed penderfyniad i adolygu'r broses yn flynyddol. Gan sylweddoli na fydd pob ysgol yn symud ymlaen â'r Cwricwlwm i Gymru ym mis Medi, nid yw tua 50% o ysgolion yn gwneud. Angen sicrhau fod y MLC yn cael ei adolygu'n gyson nes ei fod wedi'i wreiddio'n llwyr ac yn cefnogi'n dylunwyr cwricwlwm yn yr ysgolion.
- ⇒ Derbyniwyd cyllid ac ar hyn o bryd yn gweithio ar adnoddau CGM i helpu ysgolion i ddatblygu eu cwricwlwm CGM. Y flaenoriaeth yw sicrhau fod ysgolion ac athrawon yn cael y sybsidiaredd a'r hyblygrwydd y mae'r cwricwlwm yn ei ganiatáu a chynnig awgrymiadau ynglŷn â dylunio'r cwricwlwm er mwyn sicrhau ei fod yn oddrychol, plwraliaethol, a beirniadol. Bu athrawon ar draws Abertawe â rhan yn ei ddatblygu ac mae gwaith peilot yn digwydd cyn ei gyhoeddi ym mis Medi.

Gan symud ymlaen, ar hyn o bryd yn gweithio gydag ysgolion ac athrawon yn adolygu'r cynnig Dysgu Proffesiynol ar gyfer eleni a pha gefnogaeth arall sydd ei hangen i ddarparu CGM ardderchog. Defnyddir hwn i benderfynu ar y cynnig DP i CGM yn 2022/2023.

Eglurodd JHR y bu'r gwaith yn gydweithredol ar draws tri Awdurdod Lleol, Abertawe, Sir Benfro, a Sir Gaerfyrddin.

Cyflwynodd JHR Julian Nicholls, Prif Ymgynghorydd Dyniaethau i'r Bartneriaeth - partneriaeth ar draws tri ALI - Abertawe, Sir Benfro, a Sir Gaerfyrddin. Rôl JL fel ymgynghorydd yw cefnogi athrawon a disgyblion i baratoi at y cwricwlwm newydd a chymwysterau newydd. Mae JN yn sicrhau fod llais athrawon yn rhan o CGM. Mae hefyd yn cefnogi'r ymarferwyr gyda'r newidiadau i'r blaenoriaethau cenedlaethol o safbwynt gwrth-hiliaeth a dat-goloneiddio'r cwricwlwm.

Cafwyd diweddariad gan JN:

- ⇒ Partneriaeth CGM
 - Yn cefnogi cydweithwyr ac yn trafod eu gofynion o ran y newidiadau i CGM er mwyn sicrhau cydlyniant ar draws y Bartneriaeth.
 - Sicrhau fod arweinwyr dyniaethau nad ydynt yn arbenigwyr CGM yn cael cymorth
 - Bod yn ymatebol i anghenion athrawon. Sicrhau fod athrawon ac arweinwyr yn cymryd rhan o'r cychwyn cyntaf.
 - DP ar ddysgu, cynnydd, ac asesu sy'n rhoi canllawiau'r cwricwlwm mewn cyd-destun gyda CGM.
 - Datblygu a thyfu enghreifftiau a modelu arfer da.
- ⇒ Gwrth-Hiliaeth
 - Rhaglen DP ranbarthol yn gosod Gwrth-hiliaeth ar bob lefel o arweinyddiaeth ac ymarfer.
 - Ymagwedd strategol at ddysgu proffesiynol gyda DARPL, Prifysgolion, Cyngor Hil Cymru a phartneriaid eraill.
 - DP i Arweinyddion ac athrawon ar ddat-goloneiddio'r cwricwlwm.
 - Gweithio gyda Sefydliadau Addysg Uwch i gynnig cyfleoedd Ymholiad Agos at Ymarfer i ysgolion.

Diolchodd RS i JHR a JN am eu cyflwyniad. Mae'n dda clywed am y gwaith i gefnogi athrawon gyda'r cwricwlwm newydd, o ran CGM a'r cynllun gwrth-hiliaeth.

LB: Sut mae'r rhwymedigaeth gyfreithiol yn cael ei hadlewyrchu yn y deunyddiau?

JHR: Cadarnhaodd fod DP ar draws Abertawe wedi canolbwyntio ar CGM a'r ddeddfwriaeth i sicrhau ei fod yn blwraliaethol, gwrthrychol, a beirniadol.

RB: Soniwyd nad yw rhai Penaethiaid Dyniaethau yn arbenigwyr CGM o reidrwydd, ydi hon yn broblem gyffredin?

JN: Ddim yn siŵr o'r niferoedd ond yn gweld hyn fel cyfle i gefnogi a chynghori'r unigolion hynny heb arbenigedd CGM drwy ychwanegu haen arall o gefnogaeth.

RB: Mae'n allweddol i gyflwyno'r cwricwlwm fod Penaethiaid Dyniaethau nad ydynt yn arbenigwyr CGM yn deall y cwricwlwm newydd a'r gofynion am gydbwysedd ayb

RS: Dylid cadw llygad ar hyn a'i fonitro er mwyn sicrhau fod pob ysgol yn cael yr arweiniad a'r gefnogaeth iawn naill ai drwy Benaethiaid Dyniaethau neu drwy ffyrdd eraill, gan fod pob lleoliad yn wahanol.

RT: Hysbysodd y grŵp fod deunyddiau gwrth-hiliaeth wedi cael eu creu gan Eglwys Fethodistaidd a Chyngor Eglwysi Rhyddion Lloegr. Ar hyn o bryd maent yn cael eu haddasu i Gymru a byddant yn cael eu cyfieithu i'r Gymraeg ac ar gael ar HWB.

HS: Diolchodd i JHR. Soniwyd y bydd hyn yn cael ei fonitro'n flynyddol. Gan fod y cwricwlwm yn cael ei ddylunio gan yr ysgol leol, a fydd y gwerthuso'n digwydd drwy Athrawon neu Benaethiaid? Sut ydych chi'n mynd i fonitro a gwybod fod ysgol yn darparu CGM? Allwch chi ddim aros tan adroddiad arolygiad ESTYN. Gallai hyn fod yn broblem.

RS: Mae CCYSAGauC, Llywodraeth Cymru ac ESTYN mewn trafodaethau ynglŷn â monitro CGM a safon CGM.

JHR: Yn y sgysiau cychwynnol mewn cyfarfodydd CYSAG, soniwyd am nifer o ddulliau, yn bennaf gofyn i'r Penaethiaid gynnwys CGM yn eu hadroddiad tymhorol. Bydd hyn yn bwydo i mewn i gyfarfodydd CYSAG. Yn ogystal â hynny, bydd awdit yr Athrawon a llais y Disgybl yn parhau. Ond byddwn yn dysgu wrth fynd ymlaen.

AU: Mae gwrth-hiliaeth yn bwysig iawn ond mae angen bod yn ofalus gan fod arbrawf Americanaidd gyda'r ddamcaniaeth hil gritigol wedi cael effeithiau gwahanol. O ran y gair 'dat-goloneiddio' sy'n derm a ddefnyddir yn aml, mae rhai prifysgolion yn symud i ffwrdd o'r derminoleg hon wrth i ddemocratiaeth mewn prifysgolion ddiodef. Hefyd awgrymu y dylai'r drafodaeth wrth-gaethwasiaeth fod mor lleol a pherthnasol â phosibl.

JN: Y bwriad yw ystyried pob safbwynt er mwyn galluogi'r dysgwyr i ddeall o bob ochr heb gywilydd. Bydd hyn yn cael ei reoli'n hynod o ofalus.

NB: Mae yna gyhoeddiadau diweddar sy'n manylu ar y defnydd o eiriau a'r iaith i'w defnyddio.

PW: O ran gwrth-hiliaeth, mae angen i ni gymryd cyngor gan gyrff fel DARPL a BAMEed Cymru.

9. Diweddariadau:

⇒ **REC**

KR: Mae Swyddog Gweithredol newydd, sef Indy Nottage. Ataliwyd pob cyfarfod pwyllgor tra bod strwythur y Pwyllgor yn cael ei adolygu. Mae gwaith mewnol yn mynd rhagddo i asesu strwythur a nodau'r Cyngor. Gwnaed cryn dipyn o waith ar y Prosiectau Bydolygon. Mae'r REC wedi dweud nad yw'r llawlyfr a gynhyrchwyd yn adlewyrchu'r Cwricwlwm i Gymru ac y dylid cyfeirio ato fel llawlyfr i Loegr. Cytunwyd ar hyn.

Yn y dyfodol, byddai'n fuddiol cael eitem ar yr agenda i drafod y rôl y mae'r Cyngor yn ei chwarae o fewn CCYSAGau ac fel arall.

GWEITHREDU: Trafod rolau CCYSAGauC a'r REC mewn cyfarfod yn y dyfodol

⇒ **EFTRE**

PL: Yn argymhell fod aelodau CCYSAGauC yn mynd i wefan EFTRE i gael diweddariadau. Eitemau diddorol am naratif ac adrodd straeon sy'n berthnasol o ran edrych ar gwricwlwa lleol. Gohiriwyd cynhadledd EFTRE tan fis Awst 2023.

⇒ **MAGC**

RT: Mae RT yn gweithio gyda Vaughan Salisbury a Libby Jones ar addasu'r deunydd gwrth-hiliaeth i'r Gymraeg.

⇒ **PYCAG**

PW: Newydd gyfarfod wyneb yn wyneb am ddiwrnod cyfan. Mor dda dod yn ôl yn bersonol a gwaith ymarferol yn y prynhawn. Yn ymateb i geisiadau ysgolion ac yn datblygu enghraifft o bolisi CGM i ysgolion. PYCAG i rannu drafft gyda CCYSAGauC pan fydd ar gael. Y nod yw cadw'r ddogfen hon ar lefel uchel a sicrhau fod ysgolion yn gallu ei haddasu oherwydd sybsidiaredd. Yn y bôn, adnabod agweddau perthnasol o'r fframwaith a'u gosod yn nhermau polisi.

Mae nodau ac amcanion eraill yn cynnwys gwaith ar gynllun strategol a sut gallwn gryfhau ein perthynas â CCYSAGauC yn sgil effaith Covid 19 a diffyg cyfarfodydd wyneb yn wyneb.

Mae PYCAG yn ysgrifennu at Lywodraeth Cymru i ofyn am adolygiad o'r broses ysgrifennu adroddiad blynyddol. Mae nifer o newidiadau, megis y ffordd y mae ESTYN yn gweithio a'r ffordd yr adroddir ar TGAU, felly mae angen diweddariad. Allai CCYSAGauC ysgrifennu llythyr at Lywodraeth Cymru am hyn hefyd?

Trafodwyd cynllun Gwrth-Hiliaeth y Llywodraeth. Bydd PYCAG yn cysylltu â DARPL a BAMEed. Mae hwn yn agenda pwysig ac mae angen sicrhau fod CGM yn cyfrannu at y drafodaeth ac yn rheoli'r hawl i dynnu'n ôl. O ran yr ail, mae angen ymgysylltu'n gadarnhaol â chymunedau a allai fod â phroblem â CGM, fel Tystion Jehovah a'r cymunedau Teithwyr, er mwyn lliniaru unrhyw broblemau gyda chael gwared ar yr hawl i dynnu'n ôl.

Cododd rhai o'r ymgynghorwyr y broblem o Ddysgu Proffesiynol i rai nad ydynt yn arbenigwyr. A oes digon o DP ar gael? Soniwyd o'r blaen y byddai CCYSAGauC yn trefnu cynhadledd wedi i'r adnoddau DP gael eu cwblhau. A ellir rhoi hyn yn ôl ar yr agenda?

Cais i gael dyddiadau cyfarfodydd CCYSAGAuC cyn gynted â phosibl gan fod PYCAG yn trefnu ei gyfarfod ddiwrnod cyn Cyfarfod CCYSAGAuC.

RS: Yn cytuno fod angen diweddarau'r adroddiad cynnydd blynyddol. O safbwynt DP i'r rhai nad ydynt yn arbenigwyr, mae'n cytuno fod hwn yn fater pwysig iawn a bydd CCYSAGAuC yn ei drafod yn ei chyfarfod nesaf. Bydd CCYSAGAuC yn ceisio rhyddhau dyddiadau'r cyfarfodydd cyn gynted ag y bo modd.

RS: Mae'r syniad o gynhadledd wedi cael ei roi o'r neilltu ond yn gobeithio ei adfer eto yn agenda CCYSAGAuC yn y flwyddyn sy'n dod.

PW: Mae PYCAG yn grŵp mawr o ymgynghorwyr o bob ALI a chyrrff eraill. Mae ei strwythur yn wahanol i'r hyn yr oedd flynyddoedd yn ôl. Hoffai PYCAG weithio gyda CCYSAGAuC i ddatblygu'r gynhadledd.

RS: Croesawodd y cymorth gan PYCAG i drefnu'r gynhadledd.

GWEITHREDU: RS i rannu yn y Pwyllgor Gwaith cais PYCAG i ysgrifennu llythyr i Lywodraeth Cymru am y broses adolygiad blynyddol.

GWEITHREDU: Dysgu Proffesiynol i rai nad ydynt yn arbenigwyr i'w gynnwys yn agenda CCYSAGAuC.

10. Adroddiad o'r Pwyllgor Gwaith a gynhaliwyd ar 17 Mai 2022 (Rachel Samuel)

Cynhaliwyd y cyfarfod diwethaf ar 17 Mai 2022, ac mae llawer o'r agenda eisoes wedi'i drafod yn y cyfarfod hwn neu bydd yn cael ei drafod yn y Cyfarfod Blynyddol yn y prynhawn.

Cafwyd trafodaeth am y cyfansoddiad a bydd hyn yn cael sylw yn y Cyfarfod Blynyddol. Trafodwyd enwebiadau i'r Pwyllgor Gwaith ynghyd â'r drefn bleidleisio. Coladwyd y papurau pleidleisio. Dylai unrhyw GYSAG sydd heb ddychwelyd eu papurau pleidleisio neu a'u hanfonwyd i Libby Jones ddydd Gwener neu ar ôl hynny, eu hanfon ymlaen YN SYTH i AP fel y gellir eu cyfri'n derfynol yn barod i'r Cyfarfod Blynyddol.

Trafodwyd Llywodraeth Cymru ac adnoddau DP, fel y gwelwyd yn eitemau Agenda 6 a 7.

Cafwyd cwestiwn gan Caerdydd a'r Fro am niferoedd TGAU, gyda chais i roi hwn ar agenda cyfarfod nesaf CCYSAGAuC. Cadarnhaodd RS y bydd eitem ar yr agenda yn y flwyddyn sy'n dod i edrych ar sefyllfa Astudiaethau Crefyddol TGAU a Safon Uwch a rhoi diweddariad ar ffigyrau. Pwyntiau trafod posibl yw sut a pham y mae pethau'n newid? A ellir gwrthdroi'r tueddiad neu a yw'n ganlyniad i newid yn yr amgylchedd arholiadau gyda'r cwricwlwm newydd?

11. Gohebiaeth

AP: Anfonodd Chris Abbas, o ffydd y Baha'i, daflen am gynhadledd ar Ryddid Crefydd a Chred oedd yn digwydd trannoeth yn Eglwys y Santes Fair, Stryd Bute, Caerdydd. Dylai unrhyw un sydd â diddordeb gysylltu ag AP.

12. Unrhyw fater arall (i'w gytuno arno cyn y cyfarfod gyda'r Cadeirydd)

RB: Wrth drafod mynd yn ôl i gyfarfodydd wyneb yn wyneb, a allai cyfarfodydd fod yn hybrid o ystyried y pellteroedd teithio.

RS: Bydd hyn yn cael ei drafod yng nghyfarfod y Pwyllgor Gwaith a'r canlyniad yn cael ei adrodd yn ôl i aelodau CCYSAGauC.

GWEITHREDU: Ffurf y cyfarfod i'w drafod yng nghyfarfod Pwyllgor Gwaith nesaf CCYSAGauC.

13. Dyddiad y cyfarfod nesaf: Hydref 2022 I'w gadarnhau

DRAFT